



## **Protocol da la radunanza generala 2017 da l'Uniuun dals Grischs 22 avrigl 2017, Lavin chasa da Scoula**

Cumanzamaint: 10:00, fin: 13:45

### **1. Salüd**

Annalea Stuppan salüda a 54 personas, da quellas 49 cun dret da vuschar, 2 giasts e 3 rapreschantants da las medias.

S-chüsas: Anna Ratti, Armon Kirchen, Christian Fanzun, Claudio Duschletta, Conradin Klaiss, Curdin Linsel, Esther Krättli, Franzisca Giovanoli, Gion Capeder, Gitta Florineth, Hansjörg Pfäffli, Johannes Flury, Jon Dumenic Parolini, Lily Michel, Linard Nicolay, Lorenz Alig, Mariachatrina Gisep Hoffman, Michael Pfäffli, Oscar Knapp, Patrice Reto Mayer, Phillip Gunziger, Robert Grossmann, Urs Dubs, Ursina Regli, Viola Pfeiffer, Vitus Gartmann, Guiu Sobiela, Duri Campel, Linard Martinelli.

Glista da tractandas: Chasper Stuppan propuona da metter la tractanda *tschernas* direct davo la tractanda *Program da lavur 2017/18*. La proposta vain acceptada.

### **2. Tscherna dals scrutinadurs**

Martina Schuler ed Andreas Gabriel vegnan tschernüts sco scrutinadurs.

### **3. Approvaziun protocol da la radunanza generala dals 23-04-2016**

Il protocol da la radunanza generala dals 23 avrigl 2016 vain approvà.

### **4. Rapport presidial 2016**

Annalea Stuppan manzuna in seis rapport la lavur cun las ediziuns, las occurrenzas il Chesin Manella, las masüras a regard situaziun finanziaria, las discussiuns ed occurrenzas a regard restructuraziun da la LR e las consequenzas cha quella po manar a l'UdG. La redacziun dal Chalender Ladin ha demischiunà; id es stat da tscherchar üna nouva persuna respunsabla per quella. Ella constatescha cha la lavur da presidenta saja fich interessanta e cha'ls rumantschs sajan fich activs.

### **5. Rapport collavuraturs LR / Chesin Manella**

Mario Pult manzuna tanter oter la müdada da las localitats da la LR da Zernez a Scuol, las occurrenzas, la dombraziun dals rumantschs in differents lös, visitas da scoula, pled pierla, l'organisaziun dals cafes rumantschs, ün inscunter cun rumantschs da las Dolomitas, ün cuors da rumantsch in üna scoula a Hettlingen. El preschainta üna survista da las occurrenzas e dals progets pel 2017.

Martina Schuler, rapporta da la preschentscha rumantscha d'ürant il champiunadi da skis e co chi's ha provà dad esser preschaint cul rumantsch dapertuot, na be i'ls lös dal champiunadi ma eir illas medias socialas ed aint ill'app dal champiunadi cul dicziunari puter e vallader.

Flurina Plouda preschainta Kidsfits, las figüras, ils cudeschs, la pagina d'internet, sets da maisa etc. Ella quinta da las acziuns da promoziun, dad inscunters cun persunas chi lavuran in canortas e gruppas da gö e finischa cun dar üna survista dal program previs pel 2017.

Maria Dosch rapporta dal Chesin Manella e da seis program d'occurrentas da l'on scuors e preschainta las occurrentas previsas ingon.

## **6. Rendaquint 2016 e rapport da la cumischiun sindicatoria**

La chaschiera Seraina Fried preschainta il bilantsch e'l rendaquint 2016. La situaziun finanziaria es plütost dischagreabla. Quai impustüt pervi da la perdita da gestiun dal Chesin Manella da frs. 25'230. Eir da la gestiun dal Chalender ladin resulta dal 2016 ün deficit da frs. 3'000. Grazcha ad ün augmoint da las contribuziuns serra il quint da gestiun 2016 cun ün s-chavd da be frs. 4'727. La chaschiera preschainta üna survista da la vendita da cudeschs dal 2008 fin al 2016 chi muossa cha quella es regressiva e constatescha cha la situaziun finanziaria es garantida be a cuorta vista grazcha a las reservas ed a masüras instradadas da la suprastanza. Objecziuns nu vegnan fattas ingünas. Il rapport dals revisurs da quint chi vain prelet constatescha chi saja da reagir urgiantamaing. Il rendaquint 2016 vain approvà da la radunanza.

## **7. Program da lavur 2017/2018**

Il program da lavur cumpiglia las ediziuns üsitàdas e prevezza l'eleavuraziun d'ün concept per la restructuraziun. Pel rest as drizza'l seguond il preventiv.

## **8. Tschernas**

President: Annalea Stuppan chi fa part da la suprastanza daspö il 2011 ed es presidenta da l'UdG daspö il 2014 ha demischiunà. Sco successur vain proponü Hermann Thom da Susch. Romedi Arquint vules savair da Hermann Thom quant temp ch'el po metter a disposiziun a l'UdG in vista a las incumbenzas ch'el ha fingià. Hermann Thom respuonda cha Annalea Stuppan saja pronta da far presidenta ad interim fin ch'el haja fini seis stüdi principi october e cha davo haja el temp avuonda. Hermann Thom vain elet unanimamaing sco nouv president.

Rest da la suprastanza: Seraina Fried chi'd es chaschiera da l'UdG daspö il 2013 ha demischiunà. Angela Jann, Aita Dermont e Duri Denoth as mettan a disposiziun per üna reelecziun. Sco nouv commember propuona la suprastanza a Romedi Conrad. Domenic Toutsch propuona a Chatrina Urech ed ad Armon Parolini e disch cha la Pro Idioms sustegna la candidatura dad Angela Jann. In tscherna cumplessiva vegnan elets cun 46 vuschs Angela Jann, cun 33 vuschs Romedi Conradin, cun 30 vuschs Chatrina Urech e cun 28 vuschs Duri Denoth.

Revisurs: Ils revisurs vegnan reelets unanimamaing.

Delegats e suppleants per la radunanza da la LR: Carola Bezzola ha demischiunà. Renata Bott, Steivan Gaudenz, Curdin Brunold e Giancarlo Conrad as mettan a disposiziun per üna reelecziun. La suprastanza propuona a Linard Martinelli, Chatrina Urech propuona a Gian Nicolay e Renata Bott propuona a Ramona Rousette. Romedi Arquint constatescha chi saja pac raschunaivel da far tschernas da maniera cha persunas in uffizi nu vegnan plü elettas. Domenic Toutsch respuonda chi saja gnü dumondà a la Pro Idioms da surtour daplü responsabilità ill'UdG. In tscherna cumplessiva vegnan elets cun 38 vuschs Steivan Gaudenz, cun 35 vuschs Curdin Brunold, cun 32 vuschs Gian Nicolay, cun 28 vuschs Renata Bott e cun 24 vuschs Giancarlo Conrad. Cun 23 vuschs es Linard Martinelli delegà da reserva. Sco suppleants vegnan tschernüts cun applaus: Linard Martinelli, Ramona Rousette, Cilgia Scherrer Ganzoni e Corina Hessig Fedi.

Delegà illa suprastanza da la LR: Maria Sedlacek delegada da l'UdG illa suprastanza da la Lia Rumantscha daspö il 2013 ha demischiunà. La radunanza elegia ad Angela Jann sco candidata pel post da l'UdG illa suprastanza da la LR ed a Anna Chatrina Brunold sco candidata per suppleanta da la delegada.

## **9. Fixar l'indemnisaziun per la suprastanza**

La proposta da la suprastanza da laschar l'indemnisaziun per la suprastanza sco fin uossa vain approvada unanimamaing.

## **10. Fixar la contribuziun annuala**

La proposta da la suprastanza da laschar la contribuziun annuala sco fin uossa vain approvada unanimamaing.

## **11. Preventiv 2018**

La chaschiera Seraina Fried preschainta il preventiv 2018 chi prevezza üna gestiun equilibrada. Curdin Brunold dumonda perche cha l'import pel dicziunari online e la pagina d'internet saja gnü augmantà a frs. 2'500. El ha temma chi detta differenzas tanter il dicziunari online e'ls mezs d'instrucziun e giavüscha cha la suprastanza dvainta activa in chosa. Duri Denoth declera cha quel augmaint saja stat necessari pervi da las conjugaziuns dals verbs puters e valladers. Il preventiv vain approvà.

## **12. Varia**

- Martin Gabriel nouv secretari general da la LR as preschainta e constatescha cha far punts saja la sfida dal secretari general da la LR. Sco exaimpel manzuna el la situaziun actuala da La Quotidiana ingio ch'el saja eir pertoc sco president da l'ANR. Martin Gabriel respuonda a diversas dumondas a regard pressa rumantscha.
- Romedi Arquint fa attent al problem da las structuradas antiquadas illas organisaziuns rumantschas.
- Hermann Thom ingrazcha per la tscherna e constatescha cha a regard structura nu possa cuntinuar sco fin uossa e cha la suprastanza pigliarà per mans la dumonda.
- Linard Marugg intimescha da tscherchar ün nouv nom per l'Uniun dals Grischs.
- Chasper Stuppan critichescha il deficit dal Chalender Ladin e giavüscha cha la suprastanza tschercha urgiaintamaing üna soluziun pel problem.
- Angela Jann ingrazcha per la tscherna. Lura ingrazcha ella ad Annalea Stuppan ed a Seraina Fried per lur lavur a favur da l'UdG e per la buna collavuraziun in suprastanza.
- Andreas Gabriel porta ils salüds da la LR ed ingrazcha specialmaing ad Annalea Stuppan per seis ingaschamaint a favur dal rumantsch.

Pel protocol  
l'actuar



Duri Denoth